

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

25029-36

原件状况

原件有部分破损

〔光緒〕忻州志四十二卷

〔清〕方戊昌修 方淵如纂

清光緒六年（1880）刻本

八冊


本部书共摄制 1 卷 卷一至卷四十二

版权所有 不准复印

# 本部书开始

本片卷含： 卷一至卷四十二

忻州直隸州志



忻州直隸州志

定生題



忻州直隸州志

(25029)

光緒丙午歲次  
庚辰清龔鄂  
重修本邑藏板

重修直隸忻州志書序

忻郡爲晉陽北路門戶地近邊塞徵調之煩供頓之苦幾無甯歲明季邊寇告警闌入鴈門蹂躪四郊流離遷徙民不聊生於前爲烈我不

朝定鼎以來蒙古懾伏中外一家二百餘年從未用兵郡之民如出水火而登衽席休養生息戶口繁孳乾嘉間習於邊情者貿易蒙古各部落及西北口外各城有相通權其子母獲利倍蓰忻人不但受近邊之害轉受近邊之利以此致富起家者實多前值同匪滋事邊陲不靖牽車牛而遠服賈者往往喪其資斧垂橐而歸其產業

由富而貧其風俗由厚而薄而其食指則由少而多其物力則由賤而貴官斯土者怒焉憂之然而地方大利歸農果其耕三餘一耕九餘三比戶多有蓋藏是於既庶之後力求所以保富之道富室既多則元氣自足禮義可興此亦司牧者之責也歲己卯余由陽曲擢任於此下車伊始卽奉 宮保伯中丞湘鄉曾公檄文飭修州志顧州志失修百數十年矣余又譚陋不文知不免媿鄙之請幸郡中邇來人材輩出科名接踵蓄道德而能文章者可以薰其德而善良佐長吏之治郝孝廉椿齡趙孝廉培元尤能講求古文不徒肆力於帖括特令總司局事並延吾宗老植之先生冢孫深甫潤色增損余少承庭訓略聞先正暨望溪宗伯公之遺論所謂桐城文派幾成絕學余與深甫抱殘守缺愧不能仰承墜緒而於文章一事粗有見聞茲適與修志之役雖未克輯成巨觀而採訪必周體例必嚴發潛德闡幽光實事求是差足備通志之鑒擇並告後之官斯土者益仰體

國家深仁厚澤煦嫗覆育於萬斯年豈不盛歟豈不懿歟時在光緒庚辰夏五知郡事豫籍皖桐生方戊昌謹序



直隸忻州志原序

經緯不足以馭萬類之紛弊將繁冗而寡斷考稽不足以  
研百代之蘊弊將荒蕪而不經鑑別不足以抉千古之奧  
弊將淺浮而易罄此司馬班范之所以度越恆流也若郡  
邑志乘不過因其臨莅之區宇羣黎之編戶經理之事務  
依類編次按年紀載苟無濫溢遺忘斯足以表一代之章  
程矣安敢望班馬哉忻爲晉北咽喉稱繁劇郡予初戾止  
披覽輿圖徧歷郊野質諸前代斷簡殘篇見夫邊寇告警  
無虛日民鮮安息官勘土者長計遠略幾乎席不暇煖故  
志之所載大率思患預防之謀多而制治鎮靜之時少且

夕苟安之計熟而百年必世之模疎因不禁廢書長嘆斯民不幸何至此極也我

朝定鼎休養生息百有餘年熙穰而繁庶者徧里巷也耕穫而畱畚者盡畎畝也村堡錯落雞犬聲聞市廛棋布煙火相望青衿子弟陶泳於詩書六藝之中薦紳先達範圍於規矩準繩之內猗歟休哉當斯際而無以鳴其盛非司土者之責乎於是採摭逸文詢訪故老僉云前牧津門周公嘗志之矣未幾陞任去厥後潞安李司馬攝篆謀授剗闕而未果今原本固在也盍梓諸予伏而讀之踵前代之成跡增飾潤美自成一家言但揆之

國家制度文物猶覺未備且忻屬太原舊矣迨雍正二年始改直隸州分屬定靜二縣其規制宏闊控馭三百餘里一切表率稽查事理多所不同故不避僭越忘其固陋廣搜博諮損其繁而補其缺務依現行之條例昭示遵守之憲典分卷爲六列目三十有八敢以是爲無過乎亦聊以備一時之考驗爲將來之徵信而已倘異日有鴻儒名世者出取是編而重加較訂殫其經緯之才而繁冗者悉歸簡要矣出其淹博之學而荒蕪者胥登大雅矣特標千古之識而淺浮者亦垂永久矣安見一郡一邑之志乘不足比擬古作者之林哉旨乾隆十二年歲次丁卯春二月朱

忻州志

總修

在任候補知府忻州直隸州知州方戊昌

河南杞縣人 禮部  
鑾儀衛中書

纂修

太

學

生方淵如

安徽桐  
城縣人

繪圖

同知銜直隸州用卽補知縣方繼智

安徽桐城  
縣人 監生

參訂

前借補蒲縣訓導辛亥 恩科舉人郝椿齡

前借補太原縣訓導乙卯科舉人趙培元

採訪

光祿寺署正銜生

員趙士奇

歲貢

生彭述

生

員郭殿南

丁卯科舉

人張孝友

庚午科舉

人婁昭

庚辰科進

士張鈞

廩 生楊觀榮

廩 生梁履亨

廩 生趙大儒

廩 增 生趙樹萱

增 生徐兆麟

運 同銜 增 生陳逢泰

副 榜 貢 生趙南宮

歲 貢 生石介如

郎 中銜 附 貢 生周召南

都 司銜 武 生王善職

廩 生任寅亮

廩 生董克仁

生 員董存真

生

員楊秉璋

都

司

銜石和聲

生

員邢敏

生

員臧世美

校錄

翰林院待詔銜庚午科舉人郝耀章

廩生保舉儘先訓導連衡山

乙亥恩科舉人郝蔚南

廩生楊履晉

廩生銀濟眾

廩

生劉彬

生

員王鏌

生

員邢爾昌

生

員張駿聲

生

員米毓瑞

生

員韓善世

督刊

忻州

營都

司海

瑛

應縣人 托魯保佐領人

忻州

儒學

正王

鼐

大同縣人 辛亥舉人

忻州

儒學訓

導遂嵩年

壽陽縣人 廩貢生

署 忻州 吏

目羅喬齡

安縣人  
縣人監生

太學 生張敦和

武 生郝建威

從九 品高吉照

忻州志凡例

一舊志修於前明萬曆中葉至乾隆丁卯百四十年始  
重編一次茲又百三十餘年矣若不亟爲修輯則殘  
缺失次混焉無傳更復不少故於案牘之暇細繹舊  
志詳加參考至訪聞事實猶必證以輿論斟酌商推  
節錄成編庶一郡之山川人物典則文章粲然可考  
矣

一 是編略分八類四十二卷連類及之以免淆混備觀  
風者之採擇焉

一 首標輿地繫以圖繪疆域山川沿革幅員之廣狹地

形之險阻及歷代之因革皆按籍可稽次則建置城池官署學校武備凡所以定民志衛民生詰奸禁暴營汛兵防皆詳列焉

國家賦稅定有常經悉遵現行則例逐一開載使知惟正之供不容稍緩亦見我

朝正賦之外毫無煩苛紀食貨焉國之大事在祀與戎祀典攸關莫敢或缺典禮重焉畫疆分職責有攸歸官司繫焉一郡之大歷數千年矣其間敦品勵行高人逸士科第仕宦忠孝節義代有聞人故備列人物然有一代之人物必有一代之文章或好古窮經或撰述事蹟或詠歌風雅皆有足錄記藝文焉迄以雜志事有可載亦書於冊終以方外備觀覽焉

一歷代沿革仿史漢年表之例依次橫列庶一覽便悉一官司最爲缺略其有籍可稽者不過十之二三文獻無徵非故從簡便

一舊志載列武階僅寥寥數人茲又百有餘年更難悉考是以從略至營制兵額職官移設詳載武備

一舊志成於倉卒有應載而遺漏者有一事而重複者有應列此而載彼者詳稽博採補其缺略刪其繁蕪庶免訛舛雜沓之病

一書院考棚資興各項經費皆詳其款目敘明緣起非不憚煩冀垂久遠

一節孝最爲繁多此次採錄幾七八百人其中堅忍艱苦有爲人所難堪者俱紀事實若僅於守節撫孤但載姓氏此多係鄉曲婦女何可聽其湮沒無聞况茹藥飲冰以禮自守故不厭其煩所以勵風化厚人倫使幽冥窮瘼藉以不朽亦載筆者所不肯忽也他如孝子不得視此爲例孝行不盡出於愚夫冠帶異於巾櫛士人別於草野若僅據二三之附會遂使盛名之濫邀漫無區別殊不足以昭詳慎也

一自軍興以來歷屆捐輸皆有獎敘此次訪察多至千數礙難詳列故併舊志所載吏才等類概從芟蕪如因議敘而得有封贈者亦備錄焉

一定襄靜樂兩縣旣隸州屬則賦稅之徵解倉儲之出入試事之申轉皆有統轄之責應得載列其他古今事蹟人物文章各有縣志不及備錄

一是編去取何敢遽云悉當然損所當損益所當益名因實創搜羅釐訂頗費經營其中有可議者間附以已見有可疑者證以他說亦有傳聞異詞而不遽行塗乙者其意散見於別卷非矜奇炫異後之閱者互



忻州志目錄

知忻州直隸州事方戊昌編輯

輿地

輿圖

疆域

形勝

古蹟

建置

城池

學校

星野

沿革

山川

風俗

公廨

武備

坊表

邱墓附

水利附

物產附

書院

義學附

墩鋪附

鄉都 集賢附

驛傳 鋪遞附

關隘 堡寨 橋梁附

寺觀 養濟院 義塾

食貨

丁賦 倉儲 稅課附

典禮

祀典 壇廟

賓興

官司

職官 名宦

人物

薦舉 封爵

封贈 世職附 篤行

文苑 科第 五貢附

武科 賢良

仕籍 武階 捐納附 忠烈

孝義 隱逸

列女上 淑德 貞烈 孝婦 孝女 節孝

列女下 節孝

藝文

藝文上 奏議 贊辨 記序 傳跋 碑誌表 揭

雜志

灾祥

附記

僑寓

仙釋

# 陣圖



忻州志

太原府陽曲縣界



太原府陽曲縣界

代州五寨縣界

界縣崞州代

南






北


太原府陽曲縣界

太原府陽曲縣界

代州崞縣界







樓天近

房上

廳花西

廳花

堂大

房南

室三

室二

房門西

房書北

房塾鋪

房書

花園

房住管管

房廳

房厨

廳花東

房書

廟王馬

房殿

門號大

堂大

廳捕香

樓牌

廟地土

廟侯鄭

門儀

廟神狄

州折


院

東房


廳照

臺戲


臺戲







書院



東向

西坐

南

北

南

北

共登梯


照壁

崇善堂

院

書

常平倉



問六廡北面

問三

廡正

問五廡北東

問七廡正西

問三廡米

廟神倉

問七廡正東

問四廡字泰

問四廡字安

問四廡字民

問四廡字民

大門

問一廡米

較東院學

考廳

時在光緒六年歲次庚辰浴佛前七日  
前署應州知州事桐城方繼智學繪



忻州志卷二

星野

舊志云忻州古冀弁之域象應參宿十三度夫參爲晉星  
春秋傳論之詳矣此蓋指當日之晉言之至三卿分晉  
趙西有太原定襄雲中五原按史記列國分野實當昴  
畢之次參爲魏地而星經又謂胃昴趙之分野究係是  
昴畢是胃昴前人悉無定論趙在戰國縱橫數千里考  
天官志注星一度可當二千九百三十二里忻境袤延  
三百餘里當輿地星度皆不足十分之一陽曲志載中  
參九度相去數十里忻卽應參之十三度其說近誣矣

一郡一邑必以某宿幾度分野實之恐推步家亦未能  
纖悉盡當總之忻爲趙地確有可據若仍謂參之幾度  
當今之輿地姑存而不論可也康對山武功志不列星  
野其識有足多焉

忻州志卷三

疆域

州境併定襄靜樂兩屬四至東西廣三百四十五里南北  
袤一百一十里東至平定州孟縣界一百二十里西至  
太原府嵐縣界二百二十五里南至太原府陽曲縣界  
四十里北至代州崞縣界六十里東南至陽曲縣界六  
十五里西南至汾州府永甯州界三百三十里東北至  
代州五臺縣界七十五里西北至甯武府五寨縣界二  
百八十里自州治至

京師一千三百里

州境東南下西北高在布政司北一百四十里東西廣一百三十里南北袤一百里東至定襄縣界北胡村二十五里少北至定襄縣治四十里西至靜樂縣界石代橋一百一十里少南至靜樂縣治一百八十里南至太原府陽曲縣界關城鎮四十里至陽曲縣治一百四十里北至代州崞縣界河鋪六十里至崞縣治一百里東南至陽曲縣界石梯溝四十里至平定州治二百七十里西南至陽曲縣界峪子村六十里至交城縣治二百六十里東北至定襄縣界曹張村四十里至五臺縣治一百二十里西北至崞縣界陽胡村六十五里至甯武縣治一百里

定襄縣在州治東少北四十里東西廣九十里南北袤五

十里東至代州五臺縣界邊家莊七十里西至州界北

胡村二十里

縣志作十五里

少南至州治四十里南至太原府

陽曲縣界岔口村二十五里至陽曲縣治一百九十里

北至代州崞縣界橫道鎮三十里至崞縣治一百四十

里東南至陽曲縣界砂嶺三十里至平定州孟縣治一

百八十里西南至州界肖家山三十五里至陽曲縣治

一百八十里東北至五臺縣界河邊村三十五里至五

臺縣治八十里西北至崞縣界南家村三十五里至崞

縣治一百二十里

靜樂縣在州治西一百八十里東西廣一百二十里南北

表二百五十里東至州界牛尾莊九十里至州治一百

八十里西至太原府嵐縣界杜子溝村三十里縣志作西至嵐

縣界馬房鎮西關泥村四十五里南至太原府交城縣界雁門村一百

三十里縣志作南至交城縣界順道村一百五十里少東至交城縣治三百

一十里北至甯武府甯武縣界永安鎮北石家莊鋪六

十里至甯武縣治一百二十里東南至太原府陽曲縣

界龍家莊九十里至陽曲縣治二百里至交城縣界交

口村一百五十里西南至嵐縣界南溝村三十里至嵐

縣治六十里至汾州府永甯州界獨石河黑石崖一百

五十里東北至州界新開嶺六十里至石代橋七十里

至代州崞縣界黃松溝一百二十里至崞縣治二百里

西北至太原府崞嵐州界官地村六十里至甯武府五

寨縣界荷葉坪山一百里至崞嵐州治一百二十里

忻州志卷四

沿革

忻古冀并域春秋屬晉戰國時趙分晉北屬趙以西來岡  
勢逶迤者九故名九原秦隸太原郡漢爲太原陽曲縣  
地東漢末羌擾民徙此地遂空建安中魏武相漢時驅  
聚塞下流民置新興郡統九原定襄雲中雁門等縣晉  
改曰晉昌郡後魏置肆州秀容縣永安中又改新興爲  
永安郡隸肆州領定襄陽曲平寇蒲子驢夷五縣後周  
增平寇縣移肆州於雁門隋開皇初復立新興郡及雲  
州銅川縣尋廢郡及平寇縣存雲州領秀容銅川二縣



十八年始改忻州

前明知州楊維嶽曰考沙河名忻水發源於崞經流於忻隋因以名郡

大業四年廢州及銅川縣存秀容屬樓煩郡

舊唐志載隋因秀容

故城徙治此故名秀容

唐初復名新興郡領秀容縣武德元年復

為忻州四年析秀容置定襄縣貞觀五年又置懷化縣

於境北處思結部落尋廢天寶初改定襄郡為下郡秀

容為上縣乾元元年復為忻州五代因之宋置團練使

金復為定襄郡置刺史屬河東北路元初改九原府置

宣撫司尋復為忻州領秀容定襄二縣明因之併秀容

領定襄舊隸冀甯道萬曆二十一年改隸甯武道

國朝因之屬太原府雍正二年經諾撫軍

諱

敏題請陞為直

隸州轄定襄靜樂二縣隸雁平道

定襄縣春秋屬晉戰國屬趙後漢末移陽曲於太原界於

陽曲古城置定襄縣隸新興郡晉隸晉昌郡北魏為定

襄縣真君七年併雲中九原晉昌二縣屬焉永安中改

隸永安郡隋省縣入秀容隸樓煩郡唐武德四年析秀

容置定襄縣隸忻州宋熙甯三年省入秀容元祐元年

復仍隸忻州明因之隸太原府

國朝因之雍正二年陞忻州為直隸州定襄仍屬編戶舊

二十五里今一十三里

靜樂縣春秋屬晉故樓煩地戰國屬趙漢汾陽縣地後漢

宋省入九原縣隸秦州北魏真君九年併九原縣入定襄隸永安郡隋初曰崑崙開皇十八年改爲汾源大業四年改名靜樂縣隸樓煩郡唐武德四年置管州領靜樂縣五年曰北管州六年廢州以靜樂隸嵐州宋咸平三年二月置靜樂軍五年徙憲州來治爲下州遂廢又廢天池元池二縣入焉熙甯三年州廢以縣隸嵐州十年復憲州仍統靜樂縣政和五年賜名汾源縣金志宋憲州靜樂縣天德三年復名管州爲下刺史統靜樂縣興定三年升防禦隸河北路元爲下州隸冀甯路太祖十六年嵐州之崑崙甯化樓煩併入州至元二年割

崑崙入嵐州明省州爲靜樂縣隸太原府

國朝因之雍正二年陞忻州爲直隸州靜樂屬焉編戶舊

三十里今七里

唐虞夏商

冀并

周

春秋晉

秦

戰國趙

樓煩

太原郡

并州

後漢

并州

晉

并州

北魏

肆州

恆州

寄治

太原郡

新興郡

晉昌郡

永安郡

代郡

善無郡

梁城郡

陽曲

九原

九原

定襄

汾陽

雲中

雁門

定襄

平寇石城

肆盧

繁峙郡

高柳郡

北靈邱郡

內附郡

靈邱郡

秀容

平寇

秀容

平寇

北齊

肆州

後周

肆州

兼雁門

五代  
宋  
河東路

忻州  
嵐州  
管州

定襄  
靜樂  
秀容

定襄  
秀容

金  
河東北路  
元  
河東山西道  
明  
山西布政司

憲州  
忻州  
管州  
忻州  
冀甯路  
冀甯道  
甯武道

靜樂  
秀容  
靜樂  
秀容  
管州  
太原府  
太原府

定襄  
定襄  
嵐州  
忻州  
定襄  
靜樂

國朝

山西布政司

忻州

定襄

靜樂

周人龍曰按太原志明初忻卽隸府領定襄一縣卽前明楊刺史所纂舊志田賦中亦載本府支領各欵似隸府之說可據而建置內又止云領一縣初隸冀甯道後又改隸甯武道絕無隸府之文當日在忻言忻不應錯誤至此其實不可曉姑仍舊志而附記本末於後

按舊志田

賦中載有本府支領各欵極爲詳悉忻之隸太原府確有可據而沿革內又載領定襄一縣誠如前知州周人龍所云當日在忻言忻不應錯誤至此按忻州

本朝雍正二年始陞爲直隸州割定襄靜樂二縣屬焉然則前明

國朝與二縣同屬太原府無疑前知州竇容遂纂修州志

仍舊含混其辭未經改正似屬疏畧茲舊文仍存所以關疑而沿革表更正不便一誤再誤故與周說並附記

此於

按歷代因革損益皆因時制宜經緯條貫統轄攸歸其中或分或併爲時不久無大關係概未詳載茲取前明舊志及前知州竇容遂增益互相參考畧有去取胥歸簡當俾後來守斯土者有所考證焉



忻州志卷五

形勝

州境南有赤塘石嶺之阻北有忻口雲內之隘定襄靜樂分峙東西甯武雁門環山拱後誠四塞之地也

楊維嶽曰忻三邊孔道全晉後藩誠重地也唐宋戍石嶺赤塘二關郡置防禦團練使國朝邊防在雲中雁門以此爲內地遂不設兵然與沁陽平定相提而論則邊腹有分矣彼皆建所此何獨無之嘉靖庚申歲虜由甯武諸口入犯受禍甚慘省會戒嚴忻口迤西東高西西等都一帶平行虜渡沙河直抵郡城入雲內口過赤塘

直抵省會撫軍衛公長慮調太原沁成防秋沁人憚往  
返咸願析附竊欲議將治東廢王府詳建所治以防戍  
實之因郡糧額重兵食難議未果尋亦罷戍僅本郡壯  
兵二百餘耳虜歛後率多調遣近軍調發幾盡儻一旦  
有警甯市兒登陴恐無濟緩急也

竇容遂曰按忻郡爲全晉後藩三關內障出入鎖鑰誠  
屬要地前代疎於禦侮急則調遣防戍緩則散歸營伍  
以致邊警日恣民不聊生楊公之慮遠矣自

本朝德威遠播設立營汛無論雁門等關不聞鼠竊之警  
即大朔諸府亦晏然而登衽席之安况忻郡直隸東西  
控馭二百餘里涵育撫字間閭有盈甯之樂教化薰陶  
老稚習禮讓之風守土諸臣尙於未雨而爲綢繆之計  
哉

按二晉爲

神京右臂忻郡又爲省會藩屏南接太原北通沙漠左出  
右入實省北一大都會歷考前代外攘內安官民不遑  
甯處前事俱在史冊可稽我

國家版圖式廓不獨忻郡爲腹地即雁門以北縱橫數千  
里亦與內地無異二百餘年桴鼓不驚萑苻無擾使諸  
民得盡力於耕鑿長享昇平之福此豈偶然哉夫禮義

生於富足教養係乎官司苟能家給人足俗尚敦龐所謂形勢莫如德者非歟然而安不忘危有備無患是又守土者平日未雨綢繆昔先王儲戎器以戒不虞王公設險以守其國經權互用有勇知方有斯民之責者安可忽諸

折州志卷六

山川 水利附

繫舟山在州南三十五里靈山記五臺山有四埵各去臺百二十里南繫舟山號爲南埵上有銅環鐵軸昔帝堯遇水繫舟於此土人謂禹治水繫舟有石如環軸曰繫舟鬼一曰小五臺下有薛雲谷金元德明嘗隱於此趙秉文改名曰讀書山 元好問赤石谷詩南臺說有金銀氣可是并汾處土星詩註繫舟山僧徒謂之小五臺九月中時有景星如佛光云

陀羅山在州西北五十五里怪石凌空懸崖欲墜有文殊



足跡又有清涼石香爐石滴水巖青龍池元好問有詩  
程侯山在州北四十里一名金山山半西南有采金穴石  
綠洞又云金山綠洞一作六洞一在李家長山二在部  
落三在張家山南北相傳產礦 五朝志秀容有程侯  
山繫舟山有嵐水 九域志程侯山趙地 山經忻水  
東歷程侯北山下舊有采金穴故謂之金山 山堂肆  
考程侯山在山西忻州程嬰匿趙孤於此 元好問詩  
攢青疊翠幾何般玉鏡修眉十二鬢常著一峯煙雨裏  
苦才多思是金山

七峯山在州東二十五里廣峪山東有七峯土人名筆架  
山上有龍王寨絕險

虎頭山有二一在州東二十五里遊邀村南一在州東北  
五十里高村北皆以形似得名

石梯山在州東南十八里

廣峪山在州東南二十五里內有石崖廣三丈祠黃堂神  
卽尹鐸也禱雨多應下有廣峪泉

胡璋崖在城東南古志南宋胡璋倦卧夢神遣雨雹於東  
鄉璋盡拔溝草覆之同輩往視如夢因名卧所曰胡璋  
崖

白雲洞在繫舟山東南土人名乾石窰有文殊像禱雨置

益像前殿水滴益中輒雨

鳳凰山有二一附繫舟山其後連山倏突土人名鳳凰臺

一在州北四十里皆以形似名

石嶺關山在州南四十里東連繫舟山

獨擔山在州西南二十里相傳產玉芝雲母石有穴一名

雲母穴水經北俗謂雲母爲土丹訛爲獨擔 唐貞觀

中命薛遵度採雲母封山神爲靈顯王山上有碑記

前獨擔山在獨擔山南七里舊名後獨擔山下有泉

陰山在州西南四十里牧莊西夏月凝冰積雪

三嵬山在州西南五十里山麓有香泉寺

白馬山在州西南六十里北連大嶺山西南界靜樂山峯

羣立牧馬河發源於此 圖經白馬之山牧馬之水出

焉

九龍岡在州西一名九原岡仍有九 元好問募修學疏

華表俯窺於雙鶴連岡雄鎮於九龍 水經謂滹沱經

九原城北流此其地也岡勢突起下瞰井邑故上建道

觀佛寺鎮之

石姑山在州西二十五里相傳石氏處女修浮屠法後圓

寂於此上建有廟

落霧山在州西六十里一名羅霧山相傳落霧則有僊

馬鞍山連落霧山

清水山亦與落霧山連

五峯山在州西七十里陀羅山之西平原五石峯屹立如指胥絕險

兩截山在州西北二十里烏雲分綴

龍首峯在州西北二十里北趙村前有龍池

鍾乳山在州西北四十里兩阜對峙一名雙乳山

浮屠山在州西北四十五里温村與龍池梁石佛嵎相連

西南有白龍頭兩崖石窰南有大溝泉北有一滴泉

龍門山在州西北五十里南連陀羅山一名白雲山山夾

如門

雲中山在州西北八十里連雙尖山北界崞縣

產黃芩茯苓

下有谷雲中水經此

明一統志雲中水所出未覈

半巖有岱嶽殿

雙尖山在州西北八十里雲中河發源於此

大嶺山在州西北百里北連崞縣黃崑山西界靜樂一名

家寶山又名大小嶺山

產黃芩茯苓

魏安同欲修大嶺道以

通天門關 王儉陳豈神道碑拜山西右布政使築忻

口城除道通平西嶺

白蛇山在州北五十里

忻口諸山在州北五十五里忻水卽沙河也發源崞縣南

流入州境隋因以名郡口爲郡北要害故名 晉高祖  
遣供奉官張澄以兵二千搜索并鎮忻代山谷中吐渾  
悉驅出塞 忻口北東岸有蝦蟆石以形似名諺曰水  
淪蝦蟆石水湮正定府

玉泉山在州東南二十里山北有馬井

暖泉山在鍾乳山西北下有泉

石蛇山在州北白村以形似名

馥香山有寶香寺

大羅山

石谷山

滹沱河發源於繁峙縣秦戲山由崞縣東南合沙河入州  
境忻口鎮東經高城村伏虎莊玉會村寺家莊白村計  
之二十五里入定襄縣湯頭村

牧馬河發源於陽曲縣界州西南白馬山由牛尾莊西南  
入州境合石代橋溝水嵐水東流至三交鎮折而南東  
岸經東歲興北社村南張村西岸經西歲興西社村南  
社村莊磨鎮至陰山復折而東北岸經上下河北向陽  
村晏村北場村田村南岸經牧莊寺莊白石村豆羅村  
西曲家莊木芝村王家莊少北抱城如曲肘然又東北  
岸經傅家莊故郡村段家莊北胡村南岸經石家莊曹

村南胡村令歸村計一百四十里東北入定襄縣滙於  
滹沱河

雲中河發源於州西北雙尖山由米家寨南流東岸經石  
家莊奇村鎮明望村嘉禾村西岸經沙窰村棗澗村金  
村寺莊至鍾乳山南折而東北岸經東馮城尹村河拱  
村泡池村永茂莊辛莊代郡村曹張村南岸經西馮城  
六石村北趙村二十里鋪播明村太平村解村真檀村  
計八十里入定襄縣合牧馬河滙於滹沱河

水經雲內鎮入肆樓

城西東流兩截山故肆州一名肆盧川一名肆樓川又  
名忻水魏太和五年三月辛酉朔車駕幸肆州癸亥講  
武於雲水之陽按雲中河現由雲內口入  
崞縣界茲載經由村莊仍係當年故道

洛陰河發源於州南福田寺合閼溝米家溝柳林溝復東  
南流經麻會鎮鴉兒坑南宋村西張村班家莊韓嚴村  
北流入牧馬河

與水經注洛陰異

合索河發源於州之合索村南西經西馮城東馮城豆槐  
村復西北經士林喬距城二十里入雲中河

山海經因鶴索於此

故山與河皆得名焉按舊志載可溉田六頃

沙河發源於崞縣在州北六十里入境經忻口鎮距城五  
十里東流入滹沱河

通考唐復置忻州以忻川水名又云秀容有雲母山忻川水嵐水肆

盧川水

南河發源於州之石佛峒距城五十里西經南營村少北

嵐水發源於西山北流入牧馬河通典秀容有嵐水

金水河發源於九龍岡西麓流經會立解原村東北入雲

中河據舊志載後淺

一滴泉在浮屠山北合流東南入雲中河

前山泉出南營屯東南入雲中河按舊志載可溉稻田十頃有奇

海滿泉出嘉禾南入雲中河按舊志載可溉稻田十餘頃

綠水泉在雙堡東流入牧馬河

石代橋溝在州西一百二十里入牧馬河

馬井平泉在南宋玉泉山北昔有馬食禾逐之不見掘之

得水溢與地平遂名馬井

香泉在州西南五十里三嵬山麓泉甘

大溝泉在浮屠山南

廣峪泉出廣峪山

龍池在北趙村龍首峯前相傳濬池輒微雨

三澗溝在州西五里舊志載名美良川

賀兒溝在北門外迤西溝洞深邃舊志載相傳嬰杵謀易孤地

寒泉在雙堡舊志載後涸

清水溝泉渾水溝泉大溝泉皆出流江村南舊志載後涸

澗溝泉出石姑山半經喬村入流江村舊志載後涸

按州境南有石嶺北有條曰禱山帶水峯巒環峙川原  
縹緲賦形勢之地也而經水有二曰泮沱曰牧馬曰雲  
中牧馬雲中又瀝泉流於泮沱入定襄出五臺流入  
直隸真定府汪洋巨浸勢不可遏夫源流濫觴小大一  
致豈不信歟境內西北岡阜土地磽瘠牧馬由西南東  
趨地高水低恆苦沖決之患若如南省水車節節陡運  
旱時仍可資其利惜乎忻人無師傳不知水車之法徒  
被其害莫可救止亦地勢使然而人事因之有不齊也

水利附

紫巖渠

蕭村渠

鴉樹渠

王名渠

石莊渠

看鶴渠

南渠

東渠

西渠

小西渠

楊莊渠

義井渠

莊兒渠

長畦渠

東渠

小西渠

樓村渠

西渠

南渠

小西渠

東渠

王府渠

西渠

中渠

太延渠

南關渠

上渠

中渠

下渠

曲莊渠

忻州志

卷六 水利附

白石渠

野場渠

郝村渠

南渠

段莊渠

魏家渠

以上共渠二十六道據舊志載胥由牧馬河引水溉地四百四十三頃有奇

索家前渠

索家後渠

野場渠

解原渠

小河渠

沙窰渠

棗澗渠

西渠

官渠

河管渠

部落渠

北趙渠

泡池渠

以上共渠十三道據舊志載胥由雲中河引水溉地六

十頃有奇

王府渠

新渠

金山渠

以上三渠據舊志載胥由滹沱河引水溉地二十七頃

有奇

三十五渠

南關渠

王家莊渠

曲家莊渠 二道

楊泗渠

樊家野場渠

故郡渠 二道

石家莊渠 二道

楊家莊渠

曹村渠 二道

義井渠 二道

南蕭村渠

北蕭村渠

東樓村渠 二道

西樓村渠 二道

真檀渠

令歸渠 二道

北胡渠 四道



南胡渠 二道

郝村渠

安義渠

韓巖渠

紫巖渠

雙堡渠

以上共渠三十五道據舊志載胥在州東南引牧馬河水

三十二渠

二十里鋪渠 二道 郭村渠

泡池渠

大儀渠 河管渠

頓村渠 二道

西播明渠 呂令渠

曹張渠

解原渠 奇村渠

北太平渠

白村渠 部落渠 二道

楊村渠

大郡渠 高池渠

北新莊渠

吳家莊渠 淤泥渠

平張渠

智村渠 解村渠

尹村渠

六石渠 盧家野場渠

逢莊渠

北趙渠 檀村渠

以上共渠三十二道據舊志載胥在州西北引雲中滹沱河水

東十里堠渠

據舊志載牧馬雲中水胥可引 以上各渠俱載入通志

按州境共渠一百二十道考前明舊志載六十九道知州楊維嶽又開渠三十五道其餘十六渠係官開民開

舊志未詳事隔久遠弗能深考

按舊志載渠百二十道實止八十餘道其中多

有重複未能一一考究故仍舊紀載

按州境溥沱牧馬雲中三河凡濱水之區有渠八十餘道水利不爲不溥矣考溉地之法有接鍤使水者有分工使水者皆渠長司之以次輪灌無得爭越法至公允可以歷久無弊前知州竇容邃論之頗詳若果人人循照舊制爭競之風於是乎息矣余自莅任以來接閱呈詞渠案居多採之輿論僉謂由渠長非盡良善之輩狡黠之徒逞其私智從中唆使蚩愚無知爲其所惑往往斂費構訟甚至因爭鬪毆釀成人命或京控或部院司

道經年累月纏訟不休渠長但利其中飽惟恐訟結爲得計巢於鄉民有利與否不顧也似此敝習相沿已久向謂忻民刁野或者指此夫河潤千里所以補天時之窮農民因勢利導所以盡人事之宜苟未獲其利而先被其害所謂利者何在何忻民愚昧至如此極而不悟耶善哉前竇刺史之論與其遷就目前之變計不如仍因故轍之爲得乃百餘年來積習未改謂非渠長因緣爲姦諸民墮渠長術中從而和之而不自知已陷於傾敗矣余意亦以率由舊章使數百年之良法美意歸於實用舊渠準其疏通新開必從重究愚民淺見但知利

已問恤害人創始妄作或冲決廬墓或漂沒田地雖欲  
堵塞已無及矣新鑿必究職此故也然舊渠亦有不可  
恃者若執志乘所載某渠向經某村下游或接鋤或分  
工設有煙塞水不時至不謂阻遏即謂支放他村不究  
其是非而執渠道所經控告官府是志乘爲興訟之端  
所以此次纂修郡志渠道悉照舊載姑弗深考正恐不  
能久而不變也夫天道三十年一變江河之大尙有遷  
移况一郡一邑之溝洫能保其百年而不變易者乎且  
猶有說焉晉地土質本鬆忻又近邊風沙較他處尤厲  
湮塞之患可以逆睹余因深維持久之道而又杜爭訟  
之端一洗向來之陋習祇勤於力作則得之矣惰農每  
僥倖苟安只知使水不知濬渠設遇雨暘應時則貪天  
之功而獲豐稔使不幸天時曠旱則恃渠水灌溉而無  
恐一有變移則訟端起矣吾願忻民或於農隙之時或  
東作方興同力合作每年疏濬一次爲久長之計與其  
斂費而興訟不若糾衆而濬渠其得失利害不待智者  
而辨矣而渠長鬼蜮伎倆亦無所施矣且疏濬尤有利  
焉旱年得灌溉之益固不待言如遇霖潦又使水有所  
歸而禾稼無損水旱兩利豈非策之至善乃忻民計不  
出此長爲有害無益之舉此余之所大惑也夫健訟者

必非良民因渠興訟尤為頑民頑民者法必懲余不憚  
繁言委曲詳盡欲使忻民長享自然之利永革器陵之  
習安見讓路讓畔不可再覩於今日乎

忻州志卷七

古蹟 坊表

邱墓附

忻口故城北五十里相傳漢高祖自平城還駐此築城前

明知州楊維嶽曰舊志漢高祖脫平城圍至此六軍開口欣笑故名考沙河名忻水發源於崞經流於忻因以名郡此為郡北要害故名忻口耳平城至此五百里矣何始笑哉以笑口為忻口甚謬今正之前知州竇容遂纂修志乘削去未載茲仍補錄

新興故城南二十里漢末築一名建安城址存

肆州故城西北二十五里河管村南

北恆州城唐志武德八年以蔚州寄治忻州秀容之北恆

州城按北魏志天平二年恆州常寄治秀容郡城

平寇故城東五里故郡鄉隋志後齊置平寇縣開皇十年廢

北羅城西北五十里西高都南

屠岸賈城忻口北

六郎城南四十里石嶺關北宋楊延昭駐兵地址存

孟良城西北七十里蒲閣寨東又雲內口東有教場址存

新興故郡舊唐志義旗初置領秀容一縣武德元年改爲

忻州

秀容故縣西北二十五里卽所謂南秀容也後魏肆州治

此文獻通考卽積粟所在謂之羊腸倉後周徙州治雁

門隋立秀容縣明洪武九年省入忻州北魏志秀容縣

有秀容城

肆盧故縣北魏志肆盧縣治新會城真君七年併三會隸

焉卽肆盧城也又北魏肆盧縣有臺城大邗城舊志西

北五十里肆盧川土人名四六奇村

敷城故縣北魏志隸秀容郡始先初置郡真君七年改爲

縣

銅川故縣隋置隸秀容郡開皇初置大業初廢

懷化故縣唐志貞觀五年以思結部落於秀容縣境置懷

化縣隸順州十二年隸代州後省

九原故墟元遺山天慶觀記吾州跨西岡而城岡占城之半是爲九龍之原植弓志晉大夫之葬直謂之九原水經謂溇沱經九原城北流此其地也金何師常公孫厚士祠記今之九原卽趙氏田邑植弓晉獻文子成室篇疏曰九京卽九原文子世家舊葬地也或云在襄陵乃武之後非武之先隋精道寺碑云地連三晉城帶九原盧君竊號之邦趙氏言歸之地史遷以爲南并北代非此何謂焉

公孫里金何師常公孫厚士祠記云迄今九原以公孫爲里而有三社又北門外有買兒溝相傳嬰杵曰易孤處

美良川西五里相傳太宗與秦瓊敗尉遲恭處今名三澗

溝按聞喜縣有美良川

按唐武德三年劉武周偕宋金剛入寇據并州進破澹州太宗

督兵進討屯栢壁武周將尉遲恭襲破永安王孝基軍還澹州太宗邀戰破之於美良川栢壁在今絳州西南二十里似於此處無涉當日得名或別有所謂以是訛傳未可知也

文昌洞在治西北孫家灣洞內有文昌石像

僊人洞福田寺左相傳通平山縣產瑪瑙石內有遺蛻二長丈餘髑大如斗

僊洞窰一東南虎頭山下一遊邀黃堂巖畔皆險邃可避兵

層岸賈洞在劉家溝相傳通定襄古城

薛雲谷在繫舟山北魏時薛雲居此因名

赤塘谷西五十里白馬山谷背劉赤塘隱此故名唐志有

### 赤塘關

元德明讀書處在繫舟山東巖趙秉文詩山頭佛屋五三

間山勢相連石嶺關名字不經從我改便稱元子讀書

山楊愷元德明墓誌居東山福田精舍首尾十五年東巖其自號也

又遺山詩從此晉

陽方志上繫舟山是讀書山

藏孤橋在北郭外相傳程嬰曾匿趙孤於此

勞師臺治南二十里趙武誅屠岸賈勞師於此

留月軒金元好問建詩云丈室何所有琴一書數冊閉門

無車馬明月卽佳客

桂軒金王萬鍾有題元氏桂軒詩

野史亭南十里韓巖村元遺山纂金史築亭

望萱樓明定安王子鎮國將軍聰潛作聰潛析府治西性

至孝慕其母作高樓日登望之郡守王軒扁曰望萱

凌雲臺在東門外磨臺上元李中立詩誰見凌雲清絕處

夜涼空翠溼欄杆

元音臺治東門內譙鐘也相傳鐘自白馬水來

白鶴觀治西九龍岡上元遺山天慶觀記始爲七聖觀創

自唐天寶間其後有白鶴之異改白鶴觀宋祥符間又

改爲天慶觀每歲二月望道家云是老君誕日及期有  
鶴降此多至十數翔舞階庭三日乃罷予兩見之特亂  
後不至耳因爲招鶴謠並刻之石明萬厯間州城工竣  
仲春月望羣鶴復集魏允貞詩云誰知三百年來後又  
覩聯翩下碧雲

陳豨獄在西門內迤北漢錮陳豨於此址存

犬塋在張家煙梁相傳昔有人醉卧畜犬隨之俄而火作  
犬以身就水溼草滅火狂奔乏絕主生而犬斃主就其  
地築塋葬焉

唐靈顯王廟碑在獨擔山頂貞觀中立

宋神宗辟雍詔碑郡舊學址剝碑尚存按詔中稱神考又  
云元祐學術悉禁非神宗詔也詔後序書崇甯元年以  
徽宗爲正

金修天慶觀功德碑元好問撰文中云能知雄水筆極風  
濤起伏之變有蜀兩孫之風張永清天蓬四聖毛髮生  
動威重可怖號爲河東名筆

金廟學記碑徐州姚孝錫撰

元遺山墓銘在秀容先塋元翰林侍讀學士郝經撰文

坊表 附

明



九原名郡坊 在州治前

司寇都憲坊 刑部尚書董

登科坊 楊銘

旌賢坊 主事楊壽

進士坊 楊甯

繼美坊

進士坊 俱楊敦

文魁坊 漫智

騰霄坊 劉澄

昂霄坊 王玉

登雲坊 彭鑑

鳴鳳坊 閻濟

凌漢坊 張珩

致錦坊 張瓚

鄉貢進士坊 樊昭

文光坊 楊濬

登庸坊 王堯臣

鵬程坊 黨茂

虎榜題名坊 黨盛

世科坊 張鎰

進士坊 多繡坊 俱張蕙

經元坊 進士坊 俱銀鏡

鶚薦坊 銀臺贊政坊 俱楊戩

繡衣坊 楊棕

世美坊 楊玟

洵膺天寵坊 誥封吏部員外郎黨茂

父子濟美兄弟聯芳坊 為黨茂黨盛黨承志黨承賜立

科第傳芳坊 楊珽

國士坊 進士坊 俱黨承志

進士坊 柱史坊 俱黨承賜

進士坊 連登科第坊 俱王

恩綸賁德坊 誥封給事中王

祖孫繼美坊 為王清王堯臣王治立

臺憲追榮坊 誥封柱史陳大

鯤奮春溟坊 鶚橫秋漢坊

清朝柱史坊 俱陳功

二星坊 在南門內九原驛巷口今廢

九原遞運所坊 在東街路南今廢

晉烈士祠坊 在北關西巷口

鴻儒節婦坊 旌表生員劉晏妻張氏 寵褒貞節坊 旌表生員李思明妻楊氏

貞節坊 一為王子智妻連氏一為郝文昇妻郭氏一為王大興妻郝氏俱在麻會鎮一為葛志貞妻田氏在北

趙村

國朝

存趙孤處坊 北關中

程嬰故里坊 北關外又書公孫杵臼邑此二坊俱康熙十一年州牧柯建今存

韓獻子遺風坊 南關外又書靈輶禦難處亦係州牧柯建今存

至誠澤民坊 在都司署前為都司阿公立 仰聖坊 在東街路北

興賢坊 在學道 雲路坊 在東街路北

邱墓 附

周

晉卿韓獻子厥墓 治南十五里韓嚴村今有韓家溝其故里也

晉義士程嬰墓 治西南原上舊有祠久廢 按程嬰輩雖晉國人然大統在周民無二王舊志

作晉誤今正之

晉義士公孫杵臼墓 治西北七里遂庄南庄即杵臼中社也有祠碑記存

晉

郡守墓 治西三十里土陵橋西姓名無考 按舊志謂郡守即好坊神好坊廟所在有之疑守墓近廟

因而附會耳

魏

太尉錄尚書事劉貴珍墓 治西九原岡上誌銘道光年間土人創得存東門焦氏家

北齊

太宰章武王庫狄干墓

西門外人呼宰王墓

庫狄引墓

河子頭村東

金

駙馬田顯墓

豆羅村南顯金駙馬陝西盤匡縣得力村人宋元祐間陣亡於此墓存

知制誥元好問墓

韓嚴村北郝經撰碑存

元

元帥畢威墓

治東十五里雙堡村西北碑存

解仲公墓

溫村西官離石縣達魯花赤勸農事優復鄉永安庄人也按鄉庄無考

明

晉恭王夫人樊氏墓

治北二十五里河管村西北

定安悼隱王成麟墓

治西七里

王長子聰潛墓

河管村西北舊作兩截山陽誤

鎮國將軍聰潛墓

鎮國將軍聰濂墓

輔國將軍俊楷墓

皆九原岡

輔國將軍俊麟墓

治東十五里雙堡村

刑部尚書董芳墓

治東北三十里解村

戶部侍郎姜濤墓

治南二十里豆羅村

巡按山東浙江按察司副使張蕙墓

通政司右通政黨承志墓 九原岡

御史黨承賜墓 全上

太僕寺卿王治墓 治西南五十里南張村賜祭墓

龍安府同知周瀾墓 治西十里河子頭北岡

御史陳功墓 治東北二里

工部郎中王孜墓 治南二十里麻會鎮

濮州知州楊譽墓 治北三十五里部落村西南松柏成林

國朝

東阿縣知縣史三榮墓 治南二十里麻會鎮

武陵縣知縣張鍾英墓 治東二十里遊邀村

考城縣知縣崔德爲墓 治東十里曹村

南溪縣知縣趙家駿墓 坐本郡永豐鄉北胡村東北

鎮江府同知馬呈圖墓 治南二十里麻會鎮

御史楊敬儒墓 治東二十五里董村

盱眙縣知縣楊述墓 治西四十里鵠索村東南

潞安府教授周繼殷墓 治西七里逄家庄

翰林院編修楊克茂墓 治東二十五里董村

禮部儀制司員外郎崔懌墓 治東十里曹村

貴州貴東兵備道馬騰蛟墓 治南二十里麻會鎮

工部虞衡司主事馬潛蛟墓 全上

山東濟東秦武臨道崔映辰墓 治東十里曹村

忻州志卷八

風俗 物產附

忻州氣稟剛勁健訟輕生刁野難治 見太原府志

黨承志曰舊志云民性質朴風氣剛勁善治生多藏蓄

又曰人多質實士尙文雅通典云山西土瘠其人勤儉

今考之實不相遠邇來儉入奢直趨狡居服競尙奢靡

禮節多務炫燿先進純朴之風蔑如若文風浸盛武事

亦閑鄉曲和洽閭閻謹嚴是則可書無復從前陋習矣

楊維嶽曰郡邊狄地寒物產稀少民貧而嗇與省會雁

門頗殊卽藩室亦儉約相尙非若汾蒲之競靡也相傳

哇萊舊亦無之案所云儉人奢者其然乎俗多事淫賭  
尙氣輕生奸人魚肉良善頑民慣逋賦稅緇黃作姦惡  
少羽翼之尤爲散習若冠紳恬然自守蚩愚利之不庸  
有足多焉

周人龍曰予始官屯留省南無事偶往來省中見士大  
夫與同官之賢而久者言晉省繁難地必推忻匪地繁  
難且刁健不易治後調太原之清源適攝篆靜樂例謁  
州大夫見其城池雄壯人民紛沓疑向之所謂難治者  
或不虛也雍正六年六月陞授忻州竊意繁劇之郡未  
易爲理何期畧施勸諭懲戒之法其吏民卽帖然若久  
於其上而安之者輸納不苟責而賦入最訟獄不爲狡  
變遇有公事欣欣趨赴受值而去無怨咨紳衿尤兢兢  
懍法度公謁外無私請干瀆迄今三年廳事雖不張羅  
而烏雀亦時時噪呼其中噫是何忻民之悍於昔而良  
於今與予菲材謏治必不能化之若是其速其殆忻之  
風俗原非刁健難治而向之所聞者有未確也信乎楊  
公之言曰冠紳恬然自守蚩愚利之不庸誠有足多者  
矣爰志於末以告來者

竇容邃曰聲教所漸被爲風閭閻所習染爲俗遇循良  
之吏鄙野可化爲禮讓遇貪殘之輩淳良亦入於澆凌

非民之果有異也亦上之感之化之者不同耳繁劇如  
忻郡舊志載氣質剛勁長民者誠能因其氣質之偏而  
明之以禮講之以讓又何患剛勁之概不變爲和平之  
象乎又曰健訟輕生長民者果能漸之以仁摩之以義  
而爲政爲教一出於誠懇不欺又何患健訟之不終歸  
於無訟輕生之不悉返爲愛身乎曾何刁野難治之有  
耶予自蒞任以來體察民情誘之以善則欣然樂從懲  
之以法則凜然知懼是比戶質朴猶有太古之遺規也  
考驗士習先達貴顯以閉戶爲高青衿子弟以誦讀相  
尚是詩書禮教不失先聖之矩範也勤撫字而輸將恐

後急公務而奔走爭先是上有所好而下無不從也豈  
非刁野之習自上召之而致治之術遂稱爲難治哉昔  
子路治蒲請見於夫子曰由願受教於夫子子曰蒲其  
如何對曰邑多壯士又難治也子曰吾語爾恭而敬可  
以攝勇寬而正可以懷彊愛而恕可以容困溫而斷可  
以抑奸如此加之則政不難矣子路奉行三年治象卓  
然聲施後世於今爲烈夫天下豈有難治之郡邑而郡  
邑之弊政陋習豈竟有一經錮蔽而不可轉移者是在  
賢守良牧察乎利弊之所在因時措之而各得其宜耳  
庶乎移風易俗存乎其人慎毋囿於風氣之偏拘於習

俗之陋而不知變也夫

按舊志謂州人風氣剛勁健訟輕生夷考其故由來久矣古稱燕趙多慷慨悲歌之士又稱幽并游俠往往尙氣輕生殺人報仇亡身而不顧習焉既久變本加厲甚至奸名犯義幾不知爲刑法所必誅所謂其父殺人報仇其子必且行刦豈一朝一夕之故哉余自下車以來博採輿論雖風趨囂陵民尙畏法如謂刁野難治是又不然嘗考明季崇禎初年有盜某據繫舟山之福田寺聚衆五六百人橫行淫虐居民苦之訴之於官亦不爲申理故某得恣意無恐蓋時方諱盜官司不願捕治爲

避吏議計也州人有石混子者見之不平遂殺某而散

其衆州人德之至崇禎末年盜賊徧天下晉中又爲闖

賊往來出沒之區有賈鑑者鑑又本故家子而行無賴

於是亦聚不逞之徒千餘人於虎頭腦日以魚肉鄉民

爲事民控於官莫可如何反受賄而益縱之嗣闖賊入

燕京過忻鑑納款及我

朝定鼎京師鑑欲輸誠無由階進順治三年有滿洲某刺

史來知忻州舊志職官佚其名聞鑑諸不法誘致之立斃杖下

散其餘衆同時又有西山范某亦擁衆不法擒斬之解

散其黨州境遂賴以安後姜瓖叛大同他郡邑皆受僞



割而忻人不敢應謂非畏法之明效大驗歟

洪洞王椅有文紀其事

昔先王道德齊禮民皆熙熙皞皞安於渾穆之天後世嗜欲日開生齒日衆不得不繩之以法而納民於軌物之中子產治鄭有火烈水懦之喻前有孰殺之歌後有衆母之譽諸葛武侯治蜀政尚嚴厲死之日婦孺皆行哭失聲蓋懲之以法而民知威示之以恩而民知勸寬猛相濟所以沒世不忘也秉彛之良具於天性是在爲上者有以感動之耳信乎周寶二刺史亦云忻民固不難治而所謂難治者其說近誣余因深維其故更進一說焉夫天下之民古今一轍凡謂民之難治者恒曠

官尸位蠅營終日綢被放衙謂吾勞心民事稍不遂意不謂之刁則謂之頑從未嘗自反而徒歸咎於民是豈民之過歟然則爲政不當問民之難治與否但當問我之政令果足鼓舞振興整齊利導而默化其剛勁輕生之習豚魚可格鷹鷂可化安見民俗不能移易者乎舊志又謂俗事淫賭余時加體察今茲尤甚此誠敝俗亟宜懲創而革變之孟子謂民無恆產則無恆心苟無恆心無所不至四民無常職則日流於匪僻由此不止其弊何可勝言夫父兄之教不先子弟之行不率使凡爲父兄者人人督率董勸安有舊染之污不可盡革吾願

忻人力反從前勤儉之遺市無游民相趨型仁講讓君子親賢小人樂利常爲詩禮之邦是大有厚望焉茲因論世俗升降泛記明末數事爲忻民畏法之一證並告郡人知所做惕且願後之來者甚無囿於才健難治之說也

物產 附

楊維嶽曰郡近邊塞地寒物產稀少民貧而嗇與省會雁門頗殊相傳畦菜舊亦無之又曰郡寒早燠遲不宜綿地沙不宜麻棗城不宜桑柘小民家徒壁立者十九一應資用皆以粟易而水鮮少待命於天歉則逃亡離

散良可隱惻重新等都斥鹵僅產微鹽貧人煎貿藉以衣食賦稅舊格於例發太汾票三千張嗣有以繭絲迎者請益二千人搜戶括膏血爲枯矣 民不識機杼歲市布萬餘金或議請教紡織諭郡民謂前守王君守成取榆次老婦教織民不樂從遷秩而竟廢詰其故蓋緣民少蓄婢中饋多自主之廢饋而營織不暇也貧家耦耕饁餉以耕而兼織不能也卽有一二欲嘗試者市民以不能工止覓客布彼一之不售豈肯再乎是亦一說也雁平道永清張公亦曾教織未幾報罷大率類此惟教之無倦當其賦入乃有成績耳 郡山多石薪木絕

少石炭南資陽曲北資元岡數日始得往返元岡路遠  
崎嶇隆冬尤苦之往往人牛僵仆此他邑所無之艱也  
衆謂東西南山亦產石炭苦不能識因募陽曲密戶令  
開鑿傳聞皆言頑石無炭避去設有盜警積薪當慮耳  
竇容遜曰忻郡土滿人稠耕農之家十居八九貿易商  
販者十之一二惟機杼紡績之聲無聞焉邇年來家有  
餘丁多分赴歸化城營謀開墾春季載耒耜而往秋收  
盈橐囊而還予初至恐其遷徙靡定也後訪得其實乃  
知人煙輻輳食指繁多分其少壯於口外實養其老弱  
於家中也至土物地產悉屬日用常需之物不拘美惡  
莫不重加珍惜曾未有稍致暴殄者不貴異物賤用物  
忻人有焉

按忻郡所產穀之屬黍稷菽麥蔬之屬葱蒜菘芋晚菘  
藥芋味極美異於他處故園戶頗獲利果之屬桃李棗  
梨梨甘脆與崞縣並稱販行甚遠亦頗獲利物產備志  
乘一門若各郡邑所有一一備載殊覺繁瑣物以罕見  
珍凡他處悉產茲不詳列附記篇末以資觀覽



